

# SADRŽAJ

- 2 UVODNA RIJEČ DIREKTORA UINO BIH
- 4 RAST PRIHODA OD INDIREKTNIH POREZA
- 6 RASPODJELA SREDSTAVA KORISNICIMA
- 10 NOVE POJEDNOSTAVLJENE CARINSKE PROCEDURE
- 12 KONTROLE POVRATA PDV-a
- 16 INFORMACIONE TEHNOLOGIJE U SLUŽBI UINO
- 18 POSEBNE KONTROLE PROMETA
- 22 UPRAVNI ODOBOR UINO

# UVODNA RIJEČ DIREKTORA UINO BiH



Direktor  
Dr. Miro Džakula

## NOVI KURS UINO

Nakon što su strateški ciljevi Uprave za neizravno oporezivanje usvojeni, pred nama je ozbiljan zadatak kako da ih što brže ostvarimo, a na tom putu počeli smo poduzimati niz mjera koje će, prije svega, poboljšati naplatu neizravnih poreza. Podaci koji su prezentirani ovim izvještajem svjedoče o novom pravcu Uprave za neizravno oporezivanje, koja u suradnji s drugim institucijama i inspekcijskim službama ima veliku odgovornost za zaštitu prihoda i društva, a sve u cilju osiguranja dobre i pouzdane gospodarske klime, te olakšavanje poslovanja i ostvarenje svih prava našim korisnicima i klijentima.

U prvih šest mjeseci ove godine nastavili smo aktivnosti s ciljem učinkovitijeg provođenja poreznih i carinskih postupaka i procedura, u više navrata spriječeni su pokušaji nelegalnog uvoza i krijumčarenja roba, a intenzivirane su radnje u vezi s otkrivanjem nezakonitog poslovanja. S druge strane, pojačani su naponi da se Uprava za neizravno oporezivanje razvije u učinkovitu instituciju, potpuno usmjerenu na svoje korisnike i klijente, pri čemu slijedimo europske i međunarodne standarde, kao i dobre prakse izvršavanja zakonskih obveza, i to na nepristrasan, ekonomičan i pravedan način.

Skorašnjim pripremama za ulazak Republike Hrvatske u Europsku uniju, Uprava za

neizravno oporezivanje u zadanim rokovima izvršila je sve obveze kako bi omogućila nesmetan promet roba i putnika na međudržavnim graničnim prijelazima. U rekordnom roku završena je izgradnja carinskog prijelaza Bijača, te je pored prijelaza Gradiška, gdje je dozvoljen promet roba biljnog i životinjskog porijekla, omogućeno da se i nakon ulaska Hrvatske u Europsku uniju sve carinske procedure vrše jednostavno i u kratkim vremenskim rokovima. Na to smo naročito ponosni.

Nakon izgradnje zgrade Regionalnog centra Mostar u tijeku 2012. godine, ove godine na red je došao Regionalni centar Tuzla Uprave za neizravno oporezivanje. Od travnja ove godine službenici Regionalnog centra Tuzla rade u novim poslovnim prostorijama, a korisnicima i klijentima je zasigurno lakše ostvarivati svoja prava.

Pored toga, troškovi zakupa koje je Uprava plaćala iz sredstava Proračuna BiH već su prepolovljeni. Nastavljamo raditi da se problem smještajnih kapaciteta u potpunosti riješi, jer je jedno od strateških opredijeljenja Uprave postizanje boljih uvjeta za ostvarivanje prava naših korisnika i klijenata, ali i boljih uvjeta za rad uposlenih.

Kao jedan od ostvarenih ciljeva u proteklom šestomjesečnom periodu jeste i nova unutrašnja organizacija Uprave koja će dati novi impuls ostvarenju strateških ciljeva

va koji su pred nama. Nova organizacija čiju realizaciju upravo pripremamo bit će pokretač novih reformi ka uspostavljanju efikasnijih mehanizama u izvršavanju naših obveza u zaštiti prihoda i društva. Bez podrške Upravnog odbora i Vijeća ministara BiH, kao i suradnika i uposlenih u Upravi, svi rezultati koje smo postigli ne bi bili mogući. Zato sam im neizmjereno zahvalan, sa čvrstim opredjeljenjem da se započeti reformski procesi nastave.

Direktor  
Dr. Miro Džakula

# RAST PRIHODA OD INDIREKTNIH POREZA

Unatoč ekonomskoj krizi, čije se posljedice još uvijek višestruko osjećaju u ekonomskom prostoru Bosne i Hercegovine, unatoč glavnim ekonomskim pokazateljima koji još uvijek ne ulijevaju optimizam kad je u pitanju razvoj privrede, rezultati ostvareni u procesu prikupljanja indirektnih poreza (PDV, akciza, carina i putarina), u prvih šest mjeseci 2013. godine pokazuju trend rasta.


Uprava za indirektno - neizravno oporezivanje BiH je ukupno prikupila 2 milijarde i 822 miliona KM, što je za 70 miliona KM ili 2,55 % više u odnosu na isti period 2012. godine kada je ukupno prikupljeno 2 milijarde i 752 miliona KM. Istovremeno, prihodi su bili veći za 0,92 % od planiranih u prvoj polovici 2013. godine.

Po strukturi indirektnih poreza najveći dio prihoda od indirektnih poreza se odnosi na prihode od poreza na dodanu vrijednost i oni iznose 1 milijardu i 930 miliona KM ili 68,4 % prikupljenih svih indirektnih poreza. Nakon PDV-a najznačajnije učešće imaju prihodi po osnovu akciza ili posebnih poreza koji u prvih šest mjeseci 2013. godine iznose 648 miliona KM i čine 23,9 % ukupno prikupljenih indirektnih poreza. Po osnovu putarine je prikupljeno ukupno 129 miliona KM u prvoj polovici 2013. godine i to čini 4,57 %, a po osnovu prihoda od carina 99 miliona KM što je 3,12 % ukupno prikupljenih indirektnih poreza.

Prije raspodjele prihoda od indirektnih poreza korsnicima, a to su država, entiteti i Distrikt Brčko, UIO odvaja sredstva za minimalne rezerve iz kojih se vrši povrat poreza na dodanu vrijednost svim onim obveznicima koji su ostvarili pravo povrata PDV-a. Po tom osnovu u prvih šest mjeseci 2013. godine privredi je vraćeno ukupno 489 miliona KM. Povrati PDV-a su porasli u odnosu na prvu polovicu 2012. godine, a najvećim dijelom je to rezultat povećanja izvoza dobara iz BiH i velikih projekata poput izgradnje putne infrastrukture, vraćanja PDV-a međunarodnim organizacija i sl.

## PREGLED NAPLAĆENIH PRIHODA BRUTO/NETO PRIHOD 2012/2013 SA PUTARINOM

Redni broj	PERIOD	2012				2013				INDEX		
		OSTVARENI BRUTO PRIHODI	IZVRŠENI POVRAT	% izdvajanja za povrate	NETO PRIHOD	OSTVARENI BRUTO PRIHODI	IZVRŠENI POVRAT	% izdvajanja za povrate	NETO PRIHOD	OSTVARENI BRUTO PRIHODI	IZVRŠENI POVRAT	NETO PRIHOD
1	2	3	4	5	6	7	8	9	10	11 (7/3)	12 (8/4)	13(10/6)
1	JANUAR	442,746,894	68,863,466	15.55	373,883,429	477,701,783	83,041,072	17.38	394,660,710	107.90%	120.59%	105.56%
2	FEBRUAR	390,315,702	70,340,602	18.02	319,975,100	405,650,121	83,232,938	20.52	322,417,183	103.93%	118.33%	100.76%
3	MART	474,405,620	73,792,143	15.55	400,613,477	431,477,588	81,540,301	18.90	349,937,287	90.95%	110.50%	87.35%
4	APRIL	462,513,926	63,569,722	13.74	398,944,204	466,209,102	82,187,184	17.63	384,021,919	100.80%	129.29%	96.26%
5	MAJ	501,800,484	78,008,956	15.55	423,791,528	514,935,963	81,515,341	15.83	433,420,622	102.62%	104.49%	102.27%
6	JUNI	480,002,206	72,248,563	15.05	407,753,644	525,950,087	77,569,266	14.75	448,380,821	109.57%	107.36%	109.96%
	UKUPNO	2,751,784,832	426,823,452	15.51	2,324,961,381	2,821,924,644	489,086,102	17.33	2,332,838,542	102.55%	114.59%	100.34%



# RASPODJELA SREDSTAVA KORISNICIMA

Nakon što je UINO izvršila povrate PDV-a svim licima koja su ostvarila pravo povrata, sredstva u iznosu od 2 milijarde i 333 miliona KM raspoređena su korisnicima i veća su za 8 miliona KM u odnosu na sredstva koja su raspoređena u prvoj polovici 2012. godine. Prihodi od indirektnih poreza dijele se u skladu s Zakonom o uplatama na jedinstveni račun i raspodjeli prihoda i u skladu sa odlukama Upravnog odbora UINO o koeficijentima za raspodjelu prihoda entitetima.

PRIHODI SU RASPOREĐENI NA SLJEDEĆI NAČIN:

KORISNIK	IZNOS
DRŽAVNE INSTITUCIJE	365 MILIONA KM
FEDERACIJA BIH	1.253 MILIONA KM
REPUBLIKA SRPSKA	645 MILIONA KM
DISTRIKT BRČKO	70 MILIONA KM
<b>UKUPNO</b>	<b>2.333 MILIONA KM</b>

Prikupljanje i raspodjela prihoda u nadležnosti je Sektora za poslovne usluge.



Hajrudin Lagumdžija, pomoćnik direktora

“Pored finansijskog upravljanja ovaj Sektor je nadležan za kvalitetnu podršku u radu cijeloj UINO putem obavljanja administrativnih poslova, upravljanja ljudskim potencijalima, stručnu obuku zaposlenih, a u našoj nadležnosti je i prinudna naplata indirektnih poreza”.

Odsjek za administrativne poslove je u prvoj polovici 2013. godine, između ostalog, obaljšao poslove iz oblasti javnih nabavki, a u veoma kratkom roku završeni su veliki projekti. Posebno se ističe izgradnja nove zgrade Regionalnog centra UINO u Tuzli, koja je otvorena u aprilu 2013. godine, čime su se stekli bolji uslovi za kvalitetnije pružanje usluga poreskim obveznicima i bolji uslovi rada za službenike.



Zgrada RC Tuzla

Za samo tri mjeseca UINO je završila izgradnju Graničnog prijelaza Bijača, jedinog prijelaza na jugu BiH gdje se mogu prometovati sve vrste roba, uključujući i robe životinjskog i biljnog porijekla. Na ovaj način UINO je ispunila obavezu iz Akcionog plana Vijeća ministara BiH za pripremu BiH za ulazak Hrvatske u Evropsku uniju.



GP Bijača


# RASPODJELA SREDSTAVA KORISNICIMA

Granični prijelaz Bijača počeo je potpuno nesmetano funkcionisati 01.07.2013. godine omogućujući privrednicima iz BiH provođenje svih carinskih procedura. Konačan izgled ovaj prijelaz će imati nakon ulaganja dodatnih sredstava u iznosu od 5,8 miliona eura, koje je UINO osigurala iz IPA fondova. U zadanom roku, izvršena je i rekonstrukcija Graničnog prijelaza Gradiška u mjeri u kojoj su to dozvoljavali uslovi na terenu. Robni promet na ovom prijelazu potpuno se nesmetano odvija i nakon ulaska Hrvatske u Evropsku uniju. U prvoj polovici 2013. godine pripremljena je projektna dokumentacija i za izgradnju novih graničnih prijelaza Gradiška, Svilaj, Ivanjica i Gorica. U toku 2013. godine priprema se dokumentacija za izgradnju zgrada Središnjeg ureda UINO u Banja Luci, te Regionalnog centra UINO u Sarajevu.

Odsjek za obuke je u prvoj polovici 2013. godine realizovao 53 unutrašnje i vanjske obuke na kojima je učestvovalo 580 zaposlenih službenika UINO.

Odsjek za upravljanje ljudskim potencijalima je obavljao poslove iz svoje nadležnosti s tim da je u oblasti primjene propisa koji se odnose na utvrđivanje disciplinske i materijalne odgovornosti zaposlenih ukupno pokrenuto 7 disciplinskih postupaka, određene su 4 suspenzije s dužnosti, pored toga, u toku je i 8 postupaka koji su pokrenuti tokom 2012.godine. U navedenom periodu ukupno je izrečeno 37 disci-

plinskih mjera, od čega 15 novčanih kazni, 2 degradiranja na niže radno mjesto; 1 prestanak radnog odnosa, 12 usmenih opomena i 7 pismenih opomena. U toku prve polovice 2013. godine Upravi odbor UINO uvoji je novi Pravilnik o organizaciji Uprave čija implementacija bi trebala doprinijeti kvalitetnijem radu institucije. Odsjek za finansijsko upravljanje u period od 01.01. do 30.06.2013. godine,



Nacrt projekta GP Gradiška

vršio je poslove kojima se obezbjeđuje provođenje propisa iz oblasti finansijskog poslovanja Uprave, a koji se odnose na budžet Uprave i vođenje jedinstvenog računa. Zakonom o Budžetu institucija Bosne i Hercegovine i međunarodnih obaveza Bosne i Hercegovine za 2013. godinu („Službeni glasnik BiH”, broj 100/12) za Upravu za indirektno oporezivanje za 2013. godinu planiran je budžet u iznosu od 97.613.000 KM, od čega za tekuće izdatke 79.395.000 KM, a kapitalne izdatke 18.218.000 KM.


Odsjek za prinudnu naplatu je u prvoj polovici 2013. godine prinudnim putem naplatio je dug po osnovu PDV u iznosu od 24.668.101,65 KM, dok je po osnovu akcize prinudnim putem naplaćen iznos od 7.874.800,46 KM. Također, u istom periodu, po osnovu dugovanja fizičkih i pravnih lica iz carinskog postupka prinudnim putem naplaćeno je 340.151,01 KM, dok je po osnovu duga terminala prinudnim putem naplaćen iznos od 83.832,33 KM.

## TABLICA STRUKTURE ZAPOSLENIH UINO PO SEKTORIMA

Org.dio	Kabinet direktora	Odjeljenje za internu reviziju	Odjeljenje za komunikacije	Odjeljenje za pravne poslove	Sektor za carine	Sektor za IT	Sektor za poreze	Sektor za poslovne usluge	Sektor za prov. car. i por. i pošt. zak. propisa	UKUPNO
SU	12	6	4	13	45	22	33	78	25	238
BL		3		4	427	4	135	87	29	689
MO		4		1	323	8	102	41	29	508
SA		6		1	216	3	170	48	38	482
TZ		5			310	6	123	56	27	527
<b>UKUPNO</b>	<b>12</b>	<b>24</b>	<b>4</b>	<b>19</b>	<b>1321</b>	<b>43</b>	<b>563</b>	<b>310</b>	<b>148</b>	<b>2444</b>

# NOVE POJEDNOSTAVLJENE CARINSKE PROCEDURE


Sektor za carine UINO u toku prve polovice 2013. godine posebnu pažnju posvetio je pripremama za dolazak granice Evropske unije na granicu Bosne i Hercegovine.



Zdravko Cvjetinović, pomoćnik direktora

„Sve carinske procedure koje provodi UINO potpuno normalno i bez ikakvog zastoja provode se od 01.07.2013. godine. Osigurali smo svim našim privrednicima mogućnost da u najkraćim vremenskim rokovima završe sve carinske postupke. Cilj nam je olakšanje trgovine i unapređenje odnosa sa poslovnim subjektima“.

U prvoj polovici 2013. godine carinske ispostave i carinski referati širom BiH su u carinskim postupcima uvoza i izvoza obradili ukupno 397.373 carinskih prijava, od čega se na uvozne carinske postupke odnosi 283.569 carinskih prijava, na izvozne carinske postupke odnosi se 113.804 prijave, a obrađeno je i 120.105 tranzitnih carinskih prijava.



Carinska ispostava

Odsjek za tarifu i vrijednost je u oblasti carinske vrijednosti prosljedio stranim zemljama 1.322 zahtjeva za provjeru vrijednosti faktura, koje su uvoznici prilagali

prilikom uvoznog carinjenja roba. Kad je u pitanju porijeklo robe u istom je periodu u druge države prosljedeno 1.600 dokaza o porijeklu radi provjere autentičnosti. U promatranom periodu je iz stranih zemalja u UINO stiglo 102 zahtjeva za provjeru dokaza o BiH porijeklu. Carinska laboratorija je u prvoj polovici 2013. godine je uradila 89 analiza raznih roba.

Odsjek za procedure je riješio 142 upravna predmeta, koji se odnose na upravne postupke radi izdavanja odobrenja za držanje carinskih skladišta tipa „C“ i „A“, loka-



Seminar za privrednike

lni postupak izvoza, pojednostavljeni postupak na temelju fakture, status ovlaštenog primaoca i ovlaštenog pošiljaoca, a zaprimljene su i prvi zahtjevi za izdavanje odobrenja za lokalno uvozno carinjenje.

Pored izrade provedbenih propisa, održane su posebne obuke za 109 carinskih službenika za primjenu pojednostavljenih carinskih postupaka, te obuke za privrednike širom Bosne i Hercegovine u saradnji sa privrednim komorama. Brojne aktivnosti su usmjerene na implementaciju novog instituta: „statusa ovlaštenog privrednog subjekta i sigurnosnih standarda“, pripremi NCTS-a – novog kompjuterizovanog zajedničkog provoznog postupka, te potpunog usklađivanja zakonske i podzakonske legistative iz oblasti carina u BiH sa legistativom Evropske unije.

Odsjek za kontrolu je na terenu izvršio 603 kontrole, koje su se najvećim dijelom odnosile na uvoz roba porijeklom iz Kine i Turske, a prioritet je davan i kontrolama uvoza putničkih motornih vozila, kontrolama tarifnih kvota za 2012. godinu, te kontrolama postupka unutrašnje obrade.

# KONTROLE POVRATA PDV-a

Sektor za poreze u Upravi za indirektno – neizravno oporezivanje BiH dao je prioritet inspeksijskom nadzoru u oblasti indirektnih poreza u prvoj polovici 2013. godine.

„Poreski obveznici su u skladu sa Pravilnikom o kontroli indirektnih poreza grupisani u 8 vrijednosnih grupa za PDV na osnovu akumulirane vrijednosti gradivnog PDV-a. U skladu s tim i u skladu sa postojećom analizom rizika određuju se obveznici koji će biti predmet kontrola“.

Odsjek za kontrolu velikih poreskih obveznika je u prvoj polovici 2013. godine izvršio je 709 kontrola, a efekti u smislu dodatno utvrđene poreske obaveze i umanjenja poreskih kredita i zahtijevanih povrata iznose 21.250.841 KM. U Odsjeku u središnjem uredu UINO i Grupama po regionalnim centrima, ukupno radi 115 službenika. Inspektori Odsjeka za kontrolu velikih poreskih obveznika izdali su 376 prekršajnih naloga zbog utvrđenih nepravilnosti u radu poreskih obveznika.



Dinko Ćorluka, pomoćnik direktora

## Izvršeni povrati PDV-a po PDV prijavama u periodu januar- juni 2012. godine u odnosu na isti period 2013. godine

Ukupno izvršeno I-VI 2013.

Banja Luka 97.359.111,36	Sarajevo 130.476.370,75	Tuzla 103.141.058,80	Mostar 92.033.214,30
-----------------------------	----------------------------	-------------------------	-------------------------

Ukupno izvršeno I-VI 2012.

Banja Luka 87.157.155,63	Sarajevo 107.504.419,46	Tuzla 93.891.147,23	Mostar 94.960.328,62
-----------------------------	----------------------------	------------------------	-------------------------

U redovnim kontrolama inspektorima je omogućeno da kroz program EvidentNO, u cilju brze i efikasne provjere sumnjivih faktura, kod nadležne organizacione jedinice istog ili drugog regionalnog centra, putem zahtjeva za informaciju i kontrolne poruke izvrše kratke brze provjere. Na taj način je prilikom kontrole velikih poreskih obveznika provedeno 1.339 kontrolnih poruka i 177 zahtjeva za informaciju.

Odsjek za reviziju i kontrolu vršio je kontrolu svih ostalih obveznika koji ne spadaju u velike poreske obveznike i izvršio ukupno 2.727 kontrola u kojima je utvrđena dodatna poreska obaveza u iznosu od 40.305.362 KM. Inspektori su proveli i 3.699 kontrolnih poruka, te 547 zahtjeva za informacije. Zbog utvrđenih nepravilnosti u poslovanju poreskih obveznika inspektori Odsjeka za reviziju i kontrolu izdali su 999 prekršajnih naloga.

## KONTROLE POVRATA PDV-a

Odsjek za obradu poreskih prijava u prvoj polovici 2013. godine je zaprimio i obradio ukupno 288.234 PDV prijave dostavljenih od strane poreskih obveznika. Istovremeno su zaprimljene i obrađene 1.234 PDA prijave akcize. Za sve one obveznike, koji iz bilo kog razloga ne dostave svoje prijave UINO izvrši razrez po službenoj dužnosti što je u prvoj polovici 2013. godine učinjeno 4.396 puta.

U zakonskim rokovima UINO je na račune 9.208 obveznika izvršila povrat ostvarenog poreza na dodanu vrijednost.

Među sredstvima koja su vraćena po osnovu povrata PDV-a, 46.686.584 KM je vraćeno na osnovu 1.238 zahtjeva u skladu sa čl. 29 Zakona o PDV-u, koji se odnose na povrat poreza na dodanu vrijednost međunarodnim organizacijama i diplomatsko – konzularnim predstavništvima u Bosni i Hercegovini.

Odsjek za pružanje usluga poreskim obveznicima nastavio je i u toku 2013. godine vršiti upis subjekata u Jedinствeni registar obveznika indirektnih poreza. Na dan 30.06. 2013. godine ukupno je bilo upisano 53.061 obveznika za PDV, 711 obveznika za akcizu, 28.417 obveznika za obavljanje vanjskotrgovinskog prometa i 428 obveznika za međunarodnu špediciju. U 2013. godini je ukupno pokrenut 1.765 zahtjeva za prestanak registracije u UINO i to po službenoj dužnosti od strane UINO ili po zahtjevu stranaka.

Posebnu pažnju UINO pridaje na blagovremeno davanje informacija i pojašnjenja poreskim obveznicima, pa je tako pripremljeno 198 obavještanja u pisanoj formi, 32 obavezujuća mišljenja, a svim obveznicima na raspolaganju je i PDV INFO linija.

PDV INFO linija

051/335-256 | 051/335-257



# INFORMACIONE TEHNOLOGIJE U SLUŽBI UINO

Sektor za informacione tehnologije osigurava informatičku podršku u radu cijele Uprave za indirektno – neizravno oporezivanje BiH.

„Prioritet u radu ovog Sektora je nesmetana informatička podrška svim sektorima u UINO, a pored toga cilj nam je i podizanje kvalitete informatičkih usluga koje pružamo poreskim obveznicima“.



Sjetlana Perković, pomoćnik direktora

U prvoj polovici 2013. godine Sektor za informacione tehnologije pripremio je novu aplikaciju kojom će poreskim obveznicima iz BiH biti olakšan postupak procedure povrata PDV-a stranim državljanima. Korištenje ove aplikacije podrazumijeva ubrzan unos zahtjeva za povrat PDV-a stranim državljanima koji kupuju robu u BiH i istu iznose van carinskog područja naše zemlje. Trgovac elektronski popunjava obrazac PDV – SL 2, koji u elektronskom obliku putem sigurne komunikacijske linije šalje na server Uprave. Na ovaj način se smanjuje vrijeme čekanja na granici i mogućnost greške prilikom ručnog unosa podataka, što u konačnici znači ubrzan protok ljudi i roba preko graničnih prelaza. Na ubrzanje prelaska putnika preko granice će uticati i vođenje elektronske evidencije za naplatu dažbina u putničkom prometu, urađeno na modernim tehnologijama kao web aplikaciji iz koje se štampaju CPD blokovi.



Prezentacija nove web aplikacije PDV

Izvršena je implementacija elektronske razmjene podataka u proceduri tranzita roba sa carinskim administracijama Republike Srbije i Crne Gore u svrhu ranog otkrivanja eventualnih carinskih prevara u proceduri tranzita u/iz BiH.

Završene su pripreme za potpisivanje Ugovora o migraciji postojeće carinske aplikacije ASYCUDA na modernu web orjentisanu platformu, što se očekuje početkom avgusta 2013. godine. Ova novina će donijeti značajna unapređenja u radu UINO, poslovne zajednice u BiH i drugih relevantnih institucija. Očekuje se modernizacija softvera za obradu carinskih deklaracija u smislu jedinstvene garancije na cijelom području BiH, mogućnosti podnošenja carinskih deklaracija putem interneta, kraće zadržavanje na granicama i veća mogućnost otkrivanja carinskih prevara zbog unapređenih procedura analize rizika.

U 2013. godini priprema se i zakonska i podzakonska regulativa za učešće BiH u provoznom sistemu roba u EU – NCTS – novi kompjuterizovani provozni sistem u/iz EU. U toku je prva faza implementacije digitalnog potpisa uvođenjem PKI (Public Key Infrastructure), infrastrukture u carinski postupak kao preduslov za potpunu implementaciju NCTS-a u Bosni i Hercegovini, nakon čega će se izvršiti uvođenje digitalnog potpisa i bezpapirnog poslovanja u cijelu UINO.

# POSEBNE KONTROLE PROMETA

## DUVANSKIH PRERAĐEVINA I MESA

Sektor za provođenje i poštivanje carinskih i poreskih zakonskih propisa u prvoj polovici 2013. godine prioritarnim je ocijenio posebne kontrole prometa akciznih proizvoda i mesa u Bosni i Hercegovini.



Saudin Terzić, pomoćnik direktora

„Najveći interes da se pokuša izvršiti utaja uvoznih dažbina je kod roba koje su pored PDV-a opterećene i sa posebnim porezima ili akcizama. Kontrola prometa akciznih roba je konstantna, a od početka godine vodimo i posebnu akciju kodnog naziva Meso“

Od početka 2013. godine UIINO provodi akciju kodnog naziva „Meso“ zajedno sa službenicima Državne agencije za istrage i zaštitu – SIPA. Akcija se zasniva na ranijim izvještajima koje je UIINO prosljedila Tužilaštvu BiH gdje postoji osnova sumnje da su određena lica vršila utaju uvoznih dažbina i PDV-a prilikom prometa mesa i mesnih prerađevina u unutrašnjem prometu. Kako bi prodaju mesa i mesnih prerađevina u BiH stavili pod kontrolu, Uprava je zatražila od entitetskih ministarstava poljoprivrede, vodoprivrede i šumarstva, kao i od resornih kantonalnih ministarstava, informaciju o tome koja su lica ostvarila poljoprivredne poticaje za uzgoj žive stoke, te koja su lica i u kojoj vrijednosti izvršila otkup žive stoke za koju su ostvarivani poticaji. Na osnovu dostavljenih podataka od strane resornih ministarstava, UIINO je izvršila uvid u PDV prijave obveznika koji su vršili otkup žive stoke



i na taj način otkrila brojne nepravilnosti. Podaci o vrijednosti otkupa žive stoke u određenim vremenskim periodima kod mnogih obveznika bili su veći u odnosu na podatke o prijavljenom prometu koji su isti prikazali u svojim PDV prijavama. U detaljnim kontrolama će biti utvrđen kompletan promet svakog pojedinačnog

obveznika, za koji će isti biti naknadno zadužen uz obračun i obavezu uplate PDV-a uz zaknom predviđenu zateznu kamatu.

Također, na osnovu pristigle dokumentacije otkrili smo više od stotinu obveznika koji nisu u sistemu PDV-a, a koji su otkupili žive životinje na godišnjem nivou u vrijednosti većoj od 50.000 KM, što je zakonski uslov za registraciju u sistem PDV-a. Svi oni će biti registrovani po službenoj dužnosti od strane Uprave, kao i poljoprivredni proizvođači koji su prodali značajne količine i vrijednost žive stoke u toku jedne godine. Naime, zakonski osnov za registraciju poljoprivrednih proizvođača u sistem PDV-a je prelazak praga u iznosu od 15.000 KM ukupnog godišnjeg katastarskog prihoda svih članova domaćinstva.

Ovlaštena službena lica UIINO su u prvoj polovici 2013. godine podnijela 257 zahtjeva za pokretanje prekršajnog postupka nadležnim sudovima i privremeno oduzeli raznu robu koja se na nezakonit način uvozila u BiH u vrijednosti od 3.239.401 KM. Izdato je ukupno 325 prekršajnih naloga kojim je izrečena ukupna novčana kazna u iznosu od 139.900 KM. Među robom koja je oduzeta najviše je duvanskih prerađevina, raznih tekstilnih proizvoda i obuće, sunčanih i dioptrijskih naočara, tehnike...

# POSEBNE KONTROLE PROMETA

U prvoj polovici 2013. godine UINO je prema nadležnim tužilaštvima prosljedila 45 izvještaja o postojanju osnova sumnje da je počinje krivično djelo iz oblasti indirektnih poreza, 1 informaciju i 2 dopune već ranije podnesenih izvještaja. Na osnovu pomenutih dokumenata sumnja se da je Budžet BiH oštećen za 12.028.476 KM. Informacije prosljedene u izvještajima uglavnom se odnose na krivična djela porezne utaje, neplaćanja poreza, carinske prevare, krivotvorenja isprava, nedozvoljen promet akciznim proizvodima, organizovani kriminal koji se dovodi u vezu sa poreskom utajom i neplaćanjem poreza.

Neke od aktivnosti UINO je provela na osnovu dojava građana BiH na otvorenu liniju **STOP ŠVERCU** i broj **0800 2 06 07** gdje se može prijaviti svaki oblik nezakonite trgovine, utaje poreza ili carine, te nezanito ponašanje poreskih inspektora ili carinskih službenika UINO.



## KABINET DIREKTORA

Kabinet direktora vodi gđin. Božo Zovko, a u okviru ove organizacione jedinice najsluženije poslove rade stručni savjetnici koji pripremaju akte za direktora iz svih oblasti rada Uprave.

Odjeljenje za internu reviziju vršilo je konstantne provjere zakonitosti i pravilnosti rada organizacionih jedinica i svih zaposlenih u Upravi. Također, po nalogu direktora vršene su posebne provjere u radu zaposlenih, pristigle putem prijava građana ili poreskih obveznika. U svakom predmetu gdje je utvrđeno određeno nepravilno postupanje pokrenuti su disciplinski postupci protiv zaposlenih.

Odjeljenje za pravne poslove vodilo je drugostepeni upravni postupak po žalbama na prvostepena rješenja koja se odnose na indirektnu poreze, preduzimalo radnje u postupcima pred sudovima i drugim organima u sporovima, te učestvovalo u

izradi prijeloga za donošenje zakonskih i podzakonskih propisa iz oblasti indirektnih poreza. Ovo Odjeljenje je u prvoj polovici 2013. godine zaprimilo 1.246 upravnih predmeta. Riješena je 691 žalba, koje su zaprimljene u toku 2012. godine i 169 žalbi zaprimljenih u toku 2013. godine. Dato je 206 odgovora na tužbe protiv drugostepenih rješenja, 57 odgovora na zahtjeve za preispitivanje sudskih odluka i 1 odgovor na apelaciju.

Odjeljenje za komunikacije vodi odnose sa javnošću u UINO. Svakodnevno se odgovara na brojne upite novinara iz BiH i inostranstva. Ažurira se postojeća web stranica Uprave ([www.uino.gov.ba](http://www.uino.gov.ba)), te je u pripremi potpuno nova eksterna web stranica, kao i intranet. Ovo Odjeljenje rješava sve predmeta koji pristižu u UINO u skladu sa Zakonom o slobodi pristupa informacijama u BiH.

## UPRAVNI ODBOR UINO



Sjednica Upravnog odbora UINO

Upravni odbor UINO daje značajnu podršku u radu Upravi. Ovo tijelo nadležno je za politiku kreiranja indirektnih poreza u Bosni i Hercegovini. Članovi Upravnog odbora sa pravom glasa su tri ministra finansija u BiH i tri eksperta, po jedan sa nivoa BiH i svakog entiteta.

Upravni odbor UINO svakog mjeseca održava sjednice, minimalno jednom, a po potrebi i više puta. U toku 2013. godine, između ostalog, Upravni odbor je usvojio novi Pravilnik o organizaciji UINO, inicirao izmjene i dopune Zakona o akcizama u BiH i Zakona o postupku indirektnog poprezivanja, te usvajao odluke o koeficijentima za raspodjelu prihoda od indirektnih poreza.



Predsjedavajući UO UINO dr. Nikola Špirić

# KONTAKT

Središnji ured Uprave za indirektno oporezivanje BiH smješten je u Banjoj Luci, adresa na koju nam možete pisati je:

Uprava za indirektno oporezivanje BiH  
Središnji ured UIO

Bana Lazarevića bb  
78 000 Banja Luka

Centrala: +387 51 335 100      Fax: +387 51 335 101

## Regionalni centar Sarajevo

Ulica Đoke Mazalića 5  
71 000 Sarajevo

Telefoni:  
+387 33 279 470  
+387 33 279 475

Fax:  
+387 33 206 340

## Regionalni centar Banja Luka

Ulica Mladena Stojanovića 7  
78 000 Banja Luka

Centrala:  
+387 51 312 009

Fax:  
+387 51 301 130

## Regionalni centar Tuzla

Ulica Mitra Trifunovića Uče 161  
75 000 Tuzla

Centrala:  
+387 35 368 000

Fax:  
+387 35 368 007

## Regionalni centar Mostar

Rodoč bb  
88 000 Mostar

Telefoni:  
+387 36 350 177  
+387 36 350 179

Fax:  
+387 36 350 171